

R249.49

18-3

38-1

王士雄先生著

# 霍亂論

光緒丙申正月

上海圖書館集成局校印

敘

隨息居士嘗昇平盛世生長杭垣不幸幼失怙自知無應世才而以潛名其齋或謂甘自廢棄而以癡目之因自號半癡山人嘗刊潛齋醫學叢書十種問世年未五十忽挈兩弟攜一硯以歸籍然貧無錫地賃屋而居或問故曰余繼先人志耳乃顏其草堂曰歸硯輯歸硯錄以見志藉硯遊吳越間哺其家口洎庚申之變或招遊甬越辭不往辛酉秋勢日蹙不克守先人邱壟始別其兩弟攜妻孥棲於濮院人視之如野鶴閒雲而自傷孤露四十年值此亂離靡定題所居曰隨息且更字夢隱草隨息居飲食譜以寓感慨迨季冬杭垣再陷悠悠長夜益覺難堪今春急將三四兩女草草遣嫁夏間避地申江妻孥踵至僦屋黃歇浦西仍曰隨息居略識顛末俾展卷而知隨處以息者即半癡山人身不能潛硯無所歸之華胥小隱也

重訂霍亂論者以道光間嘗草霍亂論於天台道上爲海豐張柳吟先生閱定同郡王君仲安梓以行世蓋二十餘年矣板存杭會諒化劫灰咸豐初元定州楊素園先生又與王氏醫案十卷合刻於江西不知其板尙存否今避亂來上海適霍亂大行司命者罔知所措死者實多元和金君蘆齋仁心爲質惻然傷之徧搜坊間霍亂論欲以弭亂而不能多得聞余蹤跡卽來訂交始知其讀余書有年神交已久屬余重

訂以爲登高之呼余自揣無撥亂才方悔少年妄作之非愧無以應也踰兩月簾齋亦以此證遠逝尤愴  
余懷哲嗣念慈檢得轉筋證治遺書一冊示余曰此先人丁巳年刊於姑蘇者今板已燬書亦無餘余讀  
之簡明切當多采芻蕘洵可傳之作因歎簾齋韜晦之深竟不余告也吳縣華君麗雲知余硯田蕪穢持  
家藏下巖青花石一片見贈曰子將無意慰金君耶有意慰金君則重訂之舉曷可以已乎余不能辭遂  
受其片石纂此以慰簾齋於地下非敢自忘不武謂可以戡定斯亂也書成題曰重訂霍亂論首病情次  
治法次醫案次藥方凡四篇

同治建元壬戌閏月丙午華胥小隱自記

序

經云人之傷於寒也則爲病熱蓋六氣之邪都從火化外感之病雖有因寒因熱之分而熱者較多霍亂不過外感之一證其中亦有寒有熱初非專屬於寒也特以其來太驟擬議不及辨證稍疏生死立判視傷寒溫暑尤難措手昧者乃專執附桂一方統治一切霍亂不亦愼乎夢隱向有霍亂論之刻久已風行近又重加編訂益爲詳備蓋深疾偏執一方以治百病之弊故不辭痛切言之如此讀者顧疑其偏用寒涼未免以詞害意矣昔涇溪作慎疾芻言而自論之曰有疑我爲專用寒涼攻伐者不知此乃爲誤用溫補者戒非謂溫補藥不可用也諒哉斯言請以移贈夢隱此書可乎

同治癸丑正月烏程汪曰楨

(二)

霍亂括要 附錄

蘭陵岳晉昌撰

道光紀元。水運風木司天。相火在泉。夏秋霍亂大發。經云。必先歲氣。毋伐天和。爰引古方。擬撰七言。附以管見。爲司命者之一助。

暑濕風寒飲食傷。三焦失道夏秋行。厥陰風木司天盛。濁氣清陽亂胃腸。夫六氣之邪。燥氣發霍亂少。風邪發霍亂輕。若暑火挾濕邪。爲熱霍亂。寒挾濕邪。爲寒霍亂。霍亂多兼飲食過飽。乃發。亦有觸穢惡發者。靈樞經曰。更實更虛。其氣乃居。食入則胃實而腸虛。食下則腸實而胃虛。若飲食多飽脹。則腸胃俱實。氣閉不得升降。作吐瀉矣。

吐瀉轉筋手足寒。心煩熱渴左金安。二苓滑澤分清濁。溫膽藿香嘔痞寬。猝然痞痛。吐瀉轉筋而發霍亂者。多因清氣濁氣亂於腸胃也。若脘痛者。病在上中焦。先嘔後瀉。若腹痛者。病在中下焦。先瀉後嘔。先轉筋後吐瀉者。輕。先嘔瀉後轉筋者。重。蓋霍亂證。手少陽三焦俱病。上焦不入則吐。飲食不納。中焦不運化則痞痛。下焦不分。則大便瀉。小便不通。若吐瀉而手足溫。不渴兼太陰者。順。吐瀉而參蜋消渴。手足厥冷。兼厥陰者。險。吐瀉而煩渴腰痛。失音氣急。兼少陰者。危。至於手掌紫冷。厥冷至肘膝。冷汗出。直視發呃。吐瀉。小便不通。煩躁氣急。脈微欲絕。或浮虛欲散。此三焦厥陰少陰俱病。逆證危急。凡治吐

瀉轉筋。痞痛。腸鳴。煩渴。參蚬。眩陷。失音。手足厥冷。爪紫。脈伏或微者。卽用左金湯和陰陽。治嘔瀉。因川連入心胃。清暑除煩渴。治熱嘔瀉也。吳茱萸入肝腎。去寒降濁氣。除手足厥冷轉筋。右關尺瀉伏。治寒嘔瀉也。其黃連吳茱萸分兩。隨寒熱輕重配合爲要。合溫膽湯加藿香。通痞治嘔。再合豬苓湯去阿膠。加水通利小便止瀉也。并水河水各一杯。煎至一杯。分兩次服。服後毋多飲。多飲則連藥吐出。不得藥力矣。此夏秋霍亂證治法。若冬令及春初。霍亂證當宗傷寒論霍亂門張長沙諸方治法也。

先針手紫木通經。暢痞分疎。小便行。嘔瀉漸安。無喘躁。肢溫脈復。轉回春。經經絡也。凡吐瀉轉筋。手爪紫甚者。手掌皆紫。內加水通。外當針刺。通經血以洩邪。凡治吐瀉。法當化滯通痞。以止嘔。分消利小便。以止瀉。先服藥不嘔。後小便通利。則吐瀉止。手足厥冷漸溫。六脈漸復。正回卽生矣。雖吐瀉已止。而煩躁氣喘。爲暑邪未解。陰陽未和。有邪正兩脫之危。但盛夏霍亂。熱性躁者。日夜赤身不衣。當風而臥。則暑邪鬱悶。無汗喘躁而危。又有恣飲冷水。吐瀉不止。肢冷發呃。冷汗脈脫則斃。至長夏吐瀉汗多。正氣易脫。深秋吐瀉汗少。伏邪難達。治當活變。

嘔瀉頻頻。語失音。肢寒煩渴。汗淋淋。沈微欲絕。浮虛散。救脫連苓四逆參。霍亂吐瀉連次多不止。手足寒至肘膝。冷汗淋淋。指爪青白。目眶低陷。失音呃短。脈沈微欲絕。或浮虛欲散者。此三焦厥陰俱病。少

陰逆證更兼口渴煩躁。用茯苓四逆人參湯加川連。既濟法。冀幸服後身溫躁止。脈微續轉細緩者。陽回卽生。若更兼微煩微渴者。用茯苓四逆加麥冬。冀幸。

痞通嘔止瀉多空。用枳芩連入理中。瀉止痞堅頻嘔。熱煩半夏瀉心功。吐瀉轉筋諸證。用左金合溫

膽豬苓湯。去阿膠加藿香木通。服後痞通嘔止而瀉多不止。轉用理中加枳殼黃連茯苓六一散治之。若吐瀉轉筋諸證。服左金溫膽。復方後小便長。瀉止而痞悶煩熱嘔噦渴不止者。轉用半夏瀉心湯去棗加枳殼厚樸橘皮藿香竹茹治之。

調和霍亂陰陽水。汗少香薷呃柿丁。止渴蛔梅清暑土。承先哲治在靈通。吐瀉汗少加香薷。吐瀉用鮮黃土清暑安蛔。舌紅用鬱金涼心營。昏煩乃暑邪閉氣。加鮮石菖蒲開心陽。若呃加丁香柿蒂。脘腹痛甚加延胡木香。若消渴參蛔加烏梅。若轉筋甚加木瓜。但木瓜烏梅氣味酸收宜少用。多則恐小便不利。至於黃連湯加吳茱萸蘆根。隨證參用。瀉止嘔數日不止。旋覆代赭湯。或合左金。或合溫膽。每年氣運不同。西北東南高卑不一。必須靈通活變。不可拘泥執一。

左金湯方 川連或生或炒隨酌 吳茱萸湯製半夏 茯苓 陳皮 甘草 枳殼 竹茹 加藿香

豬苓湯方 豬苓 茯苓 滑石 澤瀉 去阿膠 加車前子 木通



半夏瀉心湯 加枳殼 厚朴 陳皮 藿香 竹茹 去大棗

理中湯方

應投理中四逆之證務宜加意審察

黨參

錢三

白朮

錢一

炙甘草

錢三

乾薑

錢五

茯苓

錢二

枳殼

錢一

川連

錢三

茯苓四逆湯方

附片

八分

乾薑

錢三

東洋參

錢一

炙甘草

錢三

煩渴加川連

錢三

口渴加麥冬

錢二

藿香左金丸方

藿香

錢五

吳茱萸

錢四

川連

錢三

鬱金

錢二

枳殼

錢二

厚朴

錢二

製半夏

錢二

砂仁

錢二

茯苓

錢二

猪苓

錢二

車

前子

錢二

六一散

錢三

共研細末

香薷生薑木通各一兩煎湯滴丸每服一二錢開水送下輕二服重加之

隨息居重訂霍亂論總目

病情第一

總義

熱證

寒證

治法第二

伐毛

取嚏

刮法

燄法

刺法

楊洗 治熱證

熨灸 治寒證

偵探

策應

紀律

守險

醫案第三

南鍼

夢影

藥方第四

藥性

方劑

隨息居重訂霍亂論第一

病情篇

總義

海昌王士雄夢隱纂

素問六元正紀大論曰。太陰所至。爲中滿霍亂吐下。太陰濕土之氣。內應於脾。中滿霍亂吐下。多中焦濕邪爲病。故太陰所至。不必泥定司天在泉而論也。五運分步。春分後交二運。火旺。天乃漸熱。芒種後交三運。土旺。地乃漸濕。濕熱之氣上騰。烈日之暑下燠。人在氣交之中。受其蒸淫。邪由口鼻皮毛而入。留而不去。則成溫熱暑疫諸病。霍亂特其一證也。若其人中陽素饒。土不勝濕。或飲冷貪涼太過。則濕遂從寒化。而成霍亂者。亦有之。然熱化者。天運之自然。寒化者。體氣之或爾。知常知變。庶可治無不當也。

靈樞經脈篇曰。足太陰厥氣上逆。則霍亂。足太陰脾土臟也。其應在濕。其性喜燥。鎮中樞而主升清降濁之司。惟濕盛而滯其升降之機。則濁反厥逆於上。清反抑陷於下。而爲霍亂。雖有熱化寒化之分。治宜宣其濁。則逆自平。而亂乃定。清自升也。

傷寒論曰。病有霍亂者。何。答曰。嘔吐而利。名曰霍亂。此設爲問答。以明霍亂之病。謂邪在上者多吐。邪隨息居重訂霍亂論

病情篇

在下者多利。邪在中焦。上逆而爲嘔吐。復下注而利者。則爲霍亂。霍亂者。揮霍悶亂。成於頃刻。變動不安之謂也。若上不能納。下不能禁之久病。但名吐利。不得謂之霍亂也。

又曰。病發熱頭痛。身痛惡寒。吐利者。此屬何病。答曰。此名霍亂。自吐下。又利止復更發熱也。徐洄溪曰。

此霍亂是傷寒變證。郭白雲曰。此論霍亂。似傷寒之證。蓋傷寒而霍亂者。陰陽二氣亂於胸中也。初無病而霍亂者。往往飲食失節。而致胸中逆亂也。經云。清氣在陰。濁氣在陽。營氣順脈。衛氣逆行。清濁相干。亂於胸中。是爲大悞。亂於腸胃。則爲霍亂。惟亂於胸所以吐。亂於腸所以利。經言五亂。霍亂其一也。張路玉曰。傷寒吐利。由邪氣所傷。霍亂吐利。由飲食所傷。其有兼傷寒之邪。內外不和。加之頭痛發熱而吐利者。是傷寒霍亂也。雄案霍亂有因飲食所傷者。有因濕邪內蘊者。有因氣鬱不舒者。但既有發熱頭痛身痛惡寒之表證。則治法必當兼理其表。此仲聖主五苓散之義也。然表證之可兼者。不獨寒也。如吸受溫熱風暑之邪者。皆能兼見表證。舉隅三反。活法在人。其溫暑直侵脾胃。與內邪相協爲虐。迫裏氣和而吐利止。則邪復還之表而爲發熱者。駕輕湯主之。寒霍亂後表不解者。有仲聖之桂枝法在。

醫微曰。霍亂之候。其來暴疾。腹中疴痛。擾亂不安。有吐瀉交作。有吐而不瀉。瀉而不吐。有不得吐而又不

得瀉則邪有上下淺深之分。而總以得吐爲愈。邪有入必有出。鹽湯探吐。上妙法門。然後調其胃氣可也。蓋霍亂每傷於胃。雖風寒暑濕。四氣相乘。而中必先虛。故邪入焉。至飲食失和。穢邪觸感者尤多。胃氣一傷。清濁相干。邪不去則正不安。所以攻邪尤要於扶正也。卽至肢冷脈伏。轉筋聲啞。亦必驅邪至盡。蓋邪去則正安。非比他證。養正而邪自除也。所以當其發時。不可用米飲。先哲諄諄戒之。豈無謂哉。觀於乾霍亂上不得吐。下不得瀉。亦因邪不能出。所以爲劇。治者益可思其故矣。此治霍亂之大法也。總以得吐爲邪有出路者。承上不得吐瀉之乾霍亂言也。邪不去則正不安。尤爲治諸病之名言。但霍亂雖無養正則邪自除之理。而虛多邪少之證。亦間有之。治宜攘外安中並用。又未嘗無其法也。

病源曰。霍亂脈大可治。微細不可治。霍亂吐下脈微遲。氣息衰。口不欲言者不可治。

治法彙曰。吐瀉脈代。乃是順候。氣口脈絃滑。乃膈間有宿食。雖吐猶當以鹽湯鵝翎探之。吐盡用和中藥。

凡吐瀉脈見結促代。或隱伏。或洪大。皆不可斷以爲死。果脈來微細欲絕。少氣不語。舌卷囊縮者。方爲不治。

醫通曰。脈伏或微澀者。霍亂脈長爲陽明本病。霍亂脈洪大。虛微遲細兼喘者。霍亂之後。陽氣已脫。或遺溺不知。或氣怯不語。或膏汗如珠。或躁欲入水。或四肢不收。舌卷囊縮皆爲死候。金匱齋轉筋證。隨息居重訂霍亂論。

治云。此證重者立時脈伏。乃邪閉而氣道不宣。勿輕信庸工爲脈絕不救也。案營虛氣奪。脈微欲絕者。復脈湯主之。氣散陽飛。脈微欲絕者。四逆湯主之。若客邪深入。氣機痹塞。脈道不能流通。而按之不見者。爲伏脈。此爲實證。與絕脈判若天淵。苟遇伏脈。而不亟從宣通開泄之治。則脈亦伏而漸絕矣。但此乃邪閉之絕。彼爲元脫之絕。脫者誤開。陽亡而死。閉者誤補。邪錮而死。又案天士云。經曰。暴病暴死。皆屬於火。火鬱於內。不能外達。故似寒證。關竅閉塞。經絡不通。脈道不行。多見沉滯無火之脈。愚謂各證皆然。舉一可例其餘。然非閱歷深者。不能知此。

### 熱證

素問六元正紀大論曰。土鬱之發。爲嘔吐霍亂。諸鬱之發。必從熱化。土鬱者。中焦濕盛。而升降之機乃窒。其發也。每因吸受暑穢。或飲食停滯。遂至清濁相干。亂成頃刻。而爲上吐下瀉。治法。如然照湯宣土鬱而分陰陽。連樸飲祛暑穢而行食滯。若驟傷飽食。而脫脹脈滑。或脈來澀數模糊。胸口按之則痛者。雖吐。猶當以鹽湯探吐。吐盡其食。然後以駕輕致和等湯調之。

又云。不達熱則熱至。熱至則身熱吐下霍亂。此明指霍亂有因熱而成者。奈病源三因等書。咸謂霍亂本於風冷。遂致後人印定眼目。凡患熱霍亂者。率爲藥誤。且不達熱三字。亦非但以藥食爲言。如勞役

於長途田野之間。則暑邪自外而入。所謂熱地如鑪。傷人最速。宜白虎湯六一散之類。甘寒以清之。或安享乎醇酒膏粱之奉。則濕熱自內而生。所謂厚味腊毒。不節則噤。宜梔鼓湯連樸飲之類。苦辛以泄之。其有暑入傷元。白虎湯可以加參。氣虛招感。用參尤必佐清邪。昔賢成法。自可比例而施。奈昧者妄謂勞傷之病宜補。膏粱之體必虛。知其一不知其二。信手溫補。動輒殘生。可哀也已。

至真要大論曰。諸熱瞤。諸逆衝上。諸躁狂越。皆屬於火。瞤昏悶也。瞤抽掣也。熱傷神則瞤。火迫血則瞤。火性炎上。故逆而衝上。躁煩躁不安也。狂亂也。越失常度也。熱盛於外。則肢體躁擾。熱盛於內。則神志煩亂。蓋火主動。凡病之動者。皆屬於火。霍亂而見此等證候者。皆爲熱邪內盛之的據也。

又曰。諸轉反戾。水液渾濁。諸嘔吐酸。暴注下迫。皆屬於熱。諸轉反戾。轉筋拘攣也。熱氣燥爍於筋。則攣。爲痛。火主燔灼。躁動故也。水液小便也。小便渾濁者。天氣熱。水渾濁也。嘔吐者。火氣炎上之象也。胃爲陽土。性主下行。胃中熱盛。則迫逆而上衝也。土爰稼穡。而味變酸者。肝熱內燔。故從而化也。暴注卒暴注泄也。腸胃熱盛。而傳化失常。火性疾速。故如是也。下迫。後重裏急迫痛也。火性急速。而能燥物。故也。此段經文。形容霍亂轉筋證象如繪。業醫者必人人讀之。何以臨證茫然。徒惑於弔腳痧脚麻痧等俗名。而貿貿然妄投燥熱之藥。以促人夭年。抑何不思之甚耶。

千金要方曰。中熱霍亂暴利。心煩脈數。欲得冷水者。以新汲井水頓服一升。郭白雲曰。治霍亂之法。惟千金要方最爲詳備。

治暑全書曰。暑氣入腹。惡心腹痛。上吐下瀉。瀉如水注。春分以後。秋分以前。少陽相火。少陰君火。太陰濕土。三氣合行其政。故天之熱氣。下地之濕氣。上人在氣交之中。受其蒸淫之氣。由口鼻入而擾其中。遂致升降失司。清濁不分。所瀉者。皆五臟之津液。急宜止之。然止非通。因塞用之謂也。瀉甚者。胃苓湯分利陰陽。暑亦自去。熱甚者。桂苓甘露飲清其暑火。瀉亦潛消。若火盛之體。內本無濕。而但吸暑邪者。白虎湯之類宜之。且臟性有陰陽之別。陰虛者火旺。雖病發之時。適犯生冷。而橘樸等只宜暫用。陽虛者濕勝。雖寒潤之品。非其所宜。如胃苓湯已爲合法。縱使體極虛羸。亦不過補氣清邪並用。若因其素稟之虧。而忘其現病之暑。進以丁附薑桂之劑。真殺人而不轉睫矣。凡傷暑霍亂。有身熱煩渴。氣粗喘悶。而兼厥逆躁擾者。慎勿認爲陰證。但察其小便必黃赤。舌苔必黏膩。或白厚。宜然照湯澄冷服一劑。卽現熱象。彼時若投薑附藥。轉見渾身青紫而死矣。甚或手足厥冷少氣。唇面爪甲皆青。腹痛自汗。六脈皆伏。而察其吐出酸穢。瀉下臭惡。小便黃赤熱短。或吐下皆係清水。而瀉出如火。小便點滴。或全無者。皆是熱伏厥陰也。熱極似陰。急作地漿煎竹葉石膏湯服之。又有吐瀉後身冷如冰。脈沉欲絕。湯藥不



下或發嘔亦是熱伏於內。醫不能察。投藥稍溫。愈服愈吐。願其口渴。以涼水與之。卽止。後以藕輕湯之。類投之。脈漸出者。生。然暑之爲病。傷之驟則發之。是傷之漸則發之緩。故九月時候。猶多伏暑霍亂之証。醫者不可不知。

金匱曰。轉筋之爲病。其人臂脚直。脈上下行微絃。轉筋入腹者。雞矢白散主之。

劉守真曰。轉反戾也。熱

爍於筋。則攣而痛。或以爲寒客於筋者誤也。蓋寒主收引。然止爲厥逆禁固。屈伸不利。安得爲轉也。所謂轉者。動也。陽動陰靜。熱證明矣。夫轉筋者。多由熱甚霍亂吐利所致。以脾胃土衰。則肝木自盛。而熱爍於筋。故轉筋也。夫發渴則爲熱。凡霍亂轉筋而不渴者。未之有也。尤拙吾曰。肝主筋。上應風木。肝病生風。則爲轉筋。其人臂脚直。脈上下行微絃。經云。諸暴強直。皆屬於風也。轉筋入腹者。脾土虛而肝木乘之也。雞爲木畜。其矢微寒。而能祛風濕以利脾氣。故取以治是病焉。張石頑曰。嘔吐泄瀉者。濕土之變也。轉筋者。風木之變也。濕土爲風木所剋。則爲霍亂轉筋。平胃散加木瓜主之。有一毫口渴。卽是伏熱。凡戒附薑桂種種燥熱之藥。誤服卽死。雖五苓散之桂。亦宜慎用。雄按張氏此言。可謂先獲我心矣。蓋仲聖雖立熱多欲飲水者五苓散主之之法。然上文有頭痛惡寒之表證。仍是傷寒之霍亂。故用兩解之法。其雖兼表證而非風寒之邪。或本無表證而熱甚口渴者。豈可拘泥成法。不知變通而